

UEM Sunrise tawar pinjaman tambahan ubah suai

UEM Sunrise Bhd bekerjasama dengan Alliance Bank Malaysia Bhd dalam program pembiayaan Alliance Home Complete, menawarkan pinjaman tambahan sehingga 10 peratus daripada nilai harta tanah atau maksimum RM150,000.

UEM Sunrise dalam satu kenyataan berkata, bahawa penyelesaian pembiayaan itu direka bagi memperkasakan pemilik rumah dalam menyesuaikan ruang kediaman mereka.

Ia adalah untuk pengubahsuai dan reka bentuk dalaman bagi memastikan pemilik rumah ku-rang bimbang terhadap perbelanjaan tunai awal.

Ketua Pegawai Eksekutif UEM Sunrise, Sufian Abdullah, berkata perkongsian itu menawarkan alternatif di luar penyelesaian pembiayaan konvensional sebagai sebahagian daripada komitmen berterusan syarikat.

Beliau berkata, ia adalah untuk memperkasakan pembeli rumah bukan sahaja dalam mengurangkan beban kewangan, tetapi menjadikan perjalanan pemili-



Sufian (empat dari kiri) bersama Pai Li (kanan) pada majlis pelancaran program pembiayaan Alliance Home Complete. (Foto ihsan UEM Sunrise)

kan rumah mereka tanpa kerumitan dan menyeronokkan.

Katanya, objektif utama di UEM Sunrise adalah untuk mewujudkan rumah yang memenuhi pelbagai keperluan dan aspirasi pelanggan kami.

“Harapan kami adalah untuk bekerjasama secara kreatif dengan Alliance Bank untuk

membantu pelanggan kami dengan rangsangan tambahan serta membantu mereka menetap di rumah impian mereka dengan lebih baik,” katanya dalam satu kenyataan.

Sufian berkata, UEM Sunrise optimis mengenai program itu yang dijangka memacu kadar pengambilan lebih baik untuk

projek penyertaan syarikat.

“Ini termasuk pelancaran utama 2023 di Lembah Klang seperti The MINH, The Connaught One dan Serene Heights Intrika, serta projek di Johor iaitu Taman Aspira, Aspira Parkhomes dan Senadi Hills 2A,” katanya.

Kadar faedah lebih rendah

Sementara itu, Ketua Pegawai Perbankan Pengguna Kumpulan Alliance Bank, Gan Pai Li, berkata dengan pembiayaan Alliance Home Complete, pemilik rumah boleh mendapatkan akses segera kepada dana dalam merasiasikan rumah impian mereka.

“Tawaran eksklusif ini digabungkan dengan produk gadai janji Alliance Bank, untuk memastikan pengalaman permohonan yang lebih lancar dan cekap untuk pembeli rumah.

“Lebih-lebih lagi, pelanggan kini boleh menikmati kadar faedah lebih rendah dengan kami apabila membeli harta tanah yang diperakui persijilan hijau UEM Sunrise,” katanya.